

ယင်တိ အကြောင်း

Flies Are a Problem



မာရ်မာ စကားနု အသျှေ့ရီအတွက်

Marma

Health



<http://creativecommons.org/licenses/by-nc/4.0/>

You may not use this work for commercial purposes. You may adapt and add to this work. You must keep the copyright and credits for authors, illustrators, etc.

শ্রেয়া সুকন্যা কাজী

Adapted from original, Copyright © 1992, SIL International.
Licensed under CC BY-NC 4.0.

ယင်တိ အကြောင်း

Flies Are a Problem

Original Text by: Lois Pederson

Illustrations: Matheis Awak and Fred Warwer

International Illustrations: Art of Reading 3.0

Reformatted for Bloom by: Marlene Custer

SIL International

Marma

Cox Bazar, Bangladesh



သန်းမောင်နု သူရို့ အိမ်သားအားလုံးသူ ထမင်း
စားနိကတ်လီရေ။ ယင်းခါ ယင်တိစာ
အားလုံးစာမာ နားလီရေ။ ယင်း ယင်တိစာ သူရို့
စားစာ ထမင်းဟင်းတိ နားလီရေ အရာ သူရို့
မျက်နှာရင်းမာလည်း ပျံ့နီလီရေ။ ယင်းခါ
သန်းမောင်စာ ယင်တိ ပျံ့နီရေအတွက်န
ကောင်းကောင်း အနှောက်သူက် ဖြစ်လီရေ။



သန်းမောင်စာ စဉ်းစားလီရေ၊ “ငါရို့ ရွာမာ ဇာဖို့
ဒေလျောက် ယင်တိ ပျံနီစာလည်း?”
ယင်းသူစာ ရွာမာ အခြားလူရို့ကို မီးကြည့်လီရေ၊
ယေကေလည်း ယင်းပိုင် အခက်ခဲ ဖြစ်စာတိကို
တစ်ယောက်လည်း ပြောပြဖို့ မနိုင်ကတ်လီ။

တစ်ရက်နိ ကျော်ဗုစာ သန်းမောင်ရို့ ရွာတို့
လာလီရေ။ သူစာ ကျန်းမာရေးဆရာ
တစ်ယောက် ဖြစ်တေ။ ယင်းခါ သန်းမောင်စာ
ကျော်ဗုကို ယင်တိအကြောင်းကို
မီးကြည့်လီရေ။



ယင်းခါ ကျော်ဗုမာ မှန်ပုလူး တစ်ချပ် ပါလီရေ။
ယင်း မှန်ပုလူးန အမျိုးမျိုးဝန် အသွေ အသွေ
မမြင်ရစာတိကို ကြည့်ရို့ မြင်ရရေ။




ယင်းခါ သန်းမောင်စာ ယင်းမှန်န ယင်တိကို
ကြည့်လီရေ။ ယင်းခါ သူစာ ယင်အခြံတိမာ
အမီး ဖွားရို့ ပေါက်ရို့ ဟိစာကို မြင်ရို့
အံ့ဩလီရေ။




ယင်းခါ ကျော်ဗုစာ ပြောလီရေ၊ “ယင်တိကား
ငါရိုမာ ရန်သူ ဖြစ်တေ၊ ဇာဖို့လည်းဆိုကေ ငါရို့
ခန္ဓာ မကျမ်းမာ ဖြစ်လတ်အောင် ယင်တိ
အခြီမာ အမျိုးမျိုး ရောဂါ ဖြစ်နိုင်စာ ပိုးတိကို
ယူလာရေ။”

“ယင်း ယင်တိစာ အမျိုးမျိုး အပုတ်အစတ်
နေရာတိမာ နားရေ။ ယင်းနောက်
အပုတ်အစတ်တို့ကို စားရို့ အသျှေ
ပေါက်တေ။”




“ဒေ နေရာမာ ယင်တိစာ အမျိုးမျိုး ရောဂါ
ဖြစ်နိုင်စာ ပိုးတိကို ယူလာရေ။
ယင်းရောဂါတိစာ၊ ဝမ်လားရေ၊ အံရေ၊ အဝမ်းမာ
သန် ဖြစ်တေ အရာလည်း အများကြီး
ဟိသိရေ။”



ကျော်ဗုစာ အရာလည်း ပြောလီရေ၊ “ယင်တိစာ
သန်သန်ရှင်းရှင်း နေရာတိမာလည်း လားရေ၊
ဇာဖို့လည်းဆိုကေ သူရို့ ထောင်ပြတ် ရောဂါ
ဖြစ်နိုင်စာ ပိုးတိကို ယူလာပြီးကေ အစားအစာန
အမျိုးမျိုး အိုး-ခွက်တိမာ နားရေ။ ယင်းကန်ရို့
ငါရို့ ခန္ဓာန်းမာရေ မကောင်း ဖြစ်တေ။”



သန်းမောင်နု သူ့ အဖက်သား ကောင်းကောင်း
အကြောင်းကြ ဝင်လီရေ။ သူရို့စာ ကျော်ဗုကို
မီးကတ်လီရေ။ “ယင် နားစာက
ရွတ်လတ်အောင် ငါရို့ ဇာလုပ်ရဖို့လည်း?”
ယင်းခါ ကျော်ဗုစာ ကူညီဖို့ ရရေအတွက်န
ကောင်းကောင်း ပျော်လီရေ။



သူစာ ပြောလီရေ။ “ငါ ဒေ နေရာမာ ဝက်၊ ခွီး
အရာ ကြက်တိကို မြင်ရရေ။ သူရို့ ဣမာ
လေးဖက်လေးစိ လည်ရို့ ချီးစိုက်ကတ်တေ။”


“ငါ ဒေ နေရာမှာ ချီးယောင် အများ မမြင်ရ။
လူရို့ ပြင်မာ ချီးစိုက်ကတ်တေ ထင်ရေ။”



“ငါရို့မာ ချီးစိုက်ရို့ ပြီးကေ ရိန ဆီးဘိုက်လိုက်ဖို့
သင့်ရေ။ မဟုတ်ကေ မြေပြင်မာ တူးရို့
မြှုတ်ဘိုက်လိုက်ဖို့ သင့်ရေ။”



“ကိုယ်ဘင်ရို့မာ ချီးစိုက်ဖို့အတွက် ချီးယောင်
လုပ်ရဖို့။ ယင်တိ ဝင်ဖို့ မရလတ်အောင်
ချီးမစိုက်ခါ ယင်းချီးယောင်ကို ဖုံးရို့ ထားရဖို့။”



“စားပွဲ ခုံမှာ အစားအစာတိ ဖွင့်ရို့ မထားကော။
အပုတ်အစတ်တိကို မြေပြင်မှာ မြှုတ်ရို့ ထား။”





“ချိုးစိုက်ရို့ ပြီးရေခါ ကိုယ်ဘင် အလက်ကို
သဗုန် ပွတ်ရို့ ရိန ဆီးရဖို့။”

“ယင်းအလုပ်တို့ကို လုပ်တော့ဆိုကေ
ကိုယ်ဘင်ရို့ ဇာစာ လှပသာယာလိမည်၊ အရာ
အားလုံးသူ ကျန်းမာကတ်လိမည်။”

